

Vanjskotrgovinska/Spoljnotrgovinska komora BiH
Sektor za makroekonomski sistem VTK/STK BiH

Spoljnotrgovinska razmjena sa svijetom 2017/2016

Bosna i Hercegovina je u 2017. godini ostvarila izvoz u vrijednosti od **11.384.774.000 KM**, te u odnosu na 2016. godinu povećala izvoz za **16,54 %**.

Uvoz u Bosnu i Hercegovinu u 2017. godini iznosio je **18.447.340.000 KM**, što je više za **13,44%** u odnosu na prethodnu godinu.

Ovakve promjene rezultirale su pokrivenošću uvoza izvozom od **61,71 %** što je više za 2,73% u odnosu na prošlu godinu. Ukupan obim vanjskotrgovinske razmjene je povećan za **14,61%** i njegova vrijednost iznosi **29.832.114.000 KM**.

Vanjskotrgovinski deficit u 2017. godini iznosi **7.062.566.000 KM**.

Porast izvoza iz BiH u odnosu na prethodnu godinu osvaren je u svim zemljama vodećim partnerima u vanjskotrgovinskoj razmjeni. Najviše procentualno ostvaren rast izvoza zabilježen je u R. Crnu Goru, Mađarsku, R.Srbiju, R.Hrvatsku itd. Kod uvoza, najveći procenat povećanja je zabilježen iz Rusije, SAD-a, Poljske, Mađarske, itd.

	2017. (u 000)		
	BIH**		
država	IZVOZ	UVOZ	Pokrivenost %
Hrvatska	1.326.886	2.968.806	44,7
Srbija	1.157.928	2.545.462	45,5
Njemačka	1.610.227	1.750.942	92,0
Italija	1.218.253	1.620.460	75,2
Slovenija	987.937	1.689.569	58,5
Austrija	908.856	906.272	100,3
Turska	432.118	656.150	65,9
Mađarska	258.055	679.069	38,0
Ruska Federacija	146.939	575.974	25,5
Holandija	259.103	424.031	61,1
Švicarska	177.320	468.607	37,8
Poljska	137.483	485.446	28,3
ostale zemlje	2.763.669	3.676.550	
UKUPNO	11.384.774	18.447.340	

Najznačajniji partner u vanjskotrgovinskoj razmjeni BiH je **EU**. Od ukupnog **godišnjeg izvoza** u EU plasiramo **70,4%** naših proizvoda, a ukupano **uvozimo** iz zemalja EU **67,4%** proizvoda.

Prema tome na tržište EU u 2017. godini izvezli smo robe u vrijednosti od 8.018.505.000 KM, a uvezli robe u vrijednosti od 12.439.010.000 KM.

Najznačajniji partner po **obimu razmjene** iz EU je Hrvatska, a po **vrijednosti izvoza** Njemačka. U 2017. godini u poređenju sa prethodnom godinom, došlo je do povećanja ukupne vrijednosti izvoza u Hrvatsku za 30,38%, dok je uvoz povećan za 16,18%.

Sa zemljama **CEFTE 2006**, BiH učestvuje u razmjeni sa **17,0% izvoza** i **15,5% uvoza**. Na tržište CEFTA u 2017. godine je iz BiH izvezena roba u vrijednosti od 1.931.502.000 KM i izvoz je u odnosu na prethodnu godinu veći za 27,79%. Sa područja CEFTE uvezli smo robe u vrijednosti od 2,854.755.000 KM, što je za 12,53% više u odnosu na isti period prethodne godine.

Najznačajniji vanjskotrgovinski partner iz CEFTA regiona po obimu razmjene je Srbija sa kojom bilježimo i značajniji deficit razmjene iz ovog regiona. Na tržište Srbije povećali smo vrijednost izvoza za 31,28% više u odnosu na prošlu godinu. Takođe je povećan i uvoz iz Srbije za 11,17% u odnosu na prethodnu godinu.

Sa ostalim tržištima povećan je obim razmjene. Porast izvoza i uvoza zabilježen iz Ruske Federacije, SAD-a i Kine. Iz Rusije je uvoz porastao za 430% u odnosu na prethodnu godinu. Vanjskotrgovinski deficit sa Rusijom iznosi oko 429 miliona KM, pokrivenost uvoza izvozom 25,5% , dok smo 2016. godine ostvarivali suficit i pokrivenost uvoza izvozom iznosila je 101,5%. Razlog povećanja je uvoz nafte i ulja bitumenskih minerala (tarifa 2709) u iznosu preko 438 miliona KM tijekom 2017. godine. Izvoz u Rusku Federaciju povećan je za 33,27% gdje u izvozu dominiraju lijekovi (tarifa 3004) u iznosu od 90,57 miliona KM te proizvodi tarifne oznake 0808 jabuke, kruške dunje.. u iznosu od 41,76 miliona KM.

	2016.		2017.		u KM	
	uvoz	izvoz	uvoz	izvoz	porast u % uvoz	izvoz
Agroindustrijski sektor	2.962.844.491	975.830.504	3.150.393.873	1.057.182.562	6,33	8,34
Mineralna goriva (ugalj, koks, plin, nafta) i el. energija	1.897.056.434	658.264.429	2.602.438.449	943.154.368	37,18	43,28
Hem. farm. proiz. , đubriva, plastika, kaučuk, guma..	2.643.707.318	1.112.500.568	2.896.623.242	1.345.992.307	9,57	20,99
Kamen, kreč,cement, beton, keramika i proizvodi	443.449.856	122.386.962	460.392.840	142.367.582	3,82	16,33
Koža, krzo, tekstil i proizvodi	1.917.222.003	1.362.827.154	2.052.266.419	1.495.058.673	7,04	9,70
Drvo, papir i namještaj	884.324.735	2.042.500.489	923.473.897	2.221.903.787	4,43	8,78
Rude, metali i proizvodi	1.588.776.007	1.700.918.137	1.981.659.256	2.065.401.216	24,73	21,43
Mašine, aparati, meh. uređaji, kotlovi, vozila, oružje	3.737.709.811	1.710.443.537	4.177.398.149	2.011.963.694	11,76	17,63
Ostali razni proizvodi	186.157.270	83.351.418	202.693.919	101.750.192	8,88	22,07
UKUPNO	16.261.247.925	9.769.023.197	18.447.340.042	11.384.774.382	13,44	16,54

U 2017-toj godini je iz BiH izvezeno proizvoda agroindustrijskog sektora u ukupnoj vrijednosti od 1,1 milijardu KM, što je više za 81,4 miliona KM ili 8,3% u odnosu na 2016. godinu.

Istovremeno smo uvezene agroindustrijske proizvode platili 3,2 milijarde KM, što je više za 6,3%.

Ovakve promjene u vanjskotrgovinskoj razmjeni agroindustrijskog sektora rezultirale su deficitom od 2,1 milijardom KM, a pokrivenost uvoza izvozom iznosi 34%.

Povećanju ukupnog obima vanjskotrgovinske razmjene doprinijeli su povećanje izvoza proizvoda mljekarske industrije, voća, proizvoda mlinske industrije, masti i ulja, pića i alkohol i povećanje uvoza mlijeka i proizvoda od mlijeka, voća, masnoće i ulja.

2017. godina u ekonomskom smislu je bolja od prethodne godine, prema statističkim podacima, ostvarili smo rast industrijske proizvodnje i povećali stopu pokrivenosti uvoza izvozom. Po industrijskim granama najviši rast je imala kapitalna proizvodnja, odnosno proizvodnja mašina, uređaja, djelova i sredstava rada; zatim intermedijarna proizvodnja; proizvodnja električne energije, te najmanji procenat ostvarujemo u proizvodnji trajnih i netrajnih proizvoda za široku potrošnju. Rast izvoza zabilježeni su u svim sektorima, gdje prednjači elektroenergetski, hemijski i drvni sektor.